

Informacije o aktivnostima za kampanju 16 Dana aktivizma koje organiziraju Žene ženama u suradnji i partnerstvu sa Žena Trnova, Zemljom djece, Centrom za pravnu pomoć ženama, Glasom žene, Helsinškim parlamentom građana, Helsinškim komitetom za ljudska prava RS, Udruženjem BH novinari, Centrom za građansku suradnju i Udruženjem Žene sa Save, a u okviru Kampanje Zaustavimo nasilje i seksualno nasilje nad ženama i djecom u BiH.

U nastavku slijede osnovne informacije o kampanji i aktivnostima:

**Kampanja Zaustavimo nasilje i seksualno nasilje nad ženama i djecom u BiH** tretira problem neadekvatne kazne za počinioce nasilja i seksualnog nasilja i neusklađenosti krivičnog zakonodavstva sa Konvencijom Vijeća Evrope (Istambulska konvencija o sprječavanju i borbi protiv nasilja nad ženama i nasilja u porodici i Lanzarote konvencije o zaštiti djece od seksualnog iskorištavanja i seksualne zloupotrebe) i Konvencijom UN CEDAW –(Konvencija o eliminaciji svih oblika diskriminacije protiv žena), te Zakonom o zabrani diskriminacije i Zakonom o ravnopravnosti polova BiH.

**Press konferencija - najava zvaničnog početka kampanje Zaustavimo nasilje i seksualno nasilje nad ženama i djecom i potpisivanje peticije – 24. novembar 2016 u Sarajevu- Parlament BiH u 11 sati.**

**Upaliti narandžasta svijetla i osvijetliti njima zgrade parlamentarne skupštine BiH, vijeća ministara i Predsjedništva BiH u noći između 25/26 novembar 2016.**

**Organizirati narandžaste događaje - okupljanja na dan 26 novembra 2016 u 12 sati u Sarajevu (parlamentarna skupština BiH), Istočnom Sarajevu, Banja Luci, Bijeljini, Bihaću, Tuzli, Mostaru, Zenici, Livnu i Orašju pod motom „Učinite narandžastim vaš kraj na kreativan i vidljiv način i tako iskažite svoj otpor protiv nasilja i seksualnog nasilja nad ženama i djecom“.**

**Opis: Organizirati različite događaje-okupljanje ispred državnih, entitetskih ili kantonalnih skupština, na trgovima i dr. Prenijeti poruku, obavijestiti sve i pozvati sve da se uključe i iskoriste kampanju da se podigne svijest vaše/naše zajednice o globalnoj pandemiji nasilja nad ženama i djecom kako bi svi doprinijeli rješavanju ovog problema. Po uzoru na UNITE kampanju Generalnog sekretarijata UN-a iz 2014 godine.**

**Informisanje putem specijalizovanih internet portala i facebook stranica; Kreiranje posebnog facebook page-a; Korištenje postojećih facebook stranica organizacija; Kreiranje hashtag-a, mobilnih telefona u prenošenju poruka kampanje: Šutnja nije zlato! Nasilje je smrtno ako se prešućuje! dr.-25 novembar-10 decembar 2016**

**Video spotovi - lične priče žena sa iskustvom nasilja i seksualnog nasilja, izjave institucionalnih i vaninstitucionalnih aktera odgovornih za prevenciju i zaštitu od nasilja. Video spotovi će se distribuirati putem tv kanala u BiH, FBiH i RS i putem društvenih mreža 25. novembar- 10.decembar 2016.**

**Diskriminacija i distribucija promo materijala –afiše, plakati, bilbordi, city ligts, majice, stikeri i drugo od 17.novembra -10 decembar 2016.**